



Republika e Kosovës
Komuna e Drenasit (Glllogoc)
Kuvendi i Komunës

02 Nr. 400/01-19793 dt. 29/05 2025



Bazuar në nenin 11, 12 dhe 40 të Ligjit mbi Vetëqeverisjen Lokale Nr.03/L-040, nenit 34 pika 34.6 të Statutit të Komunës së Drenasit dhe në harmoni me nenin 2 të ligjit nr.03/L-049 për financat e pushtetit lokal, nenit 27 të LMFPP nr. 03/L-048, nenit 9, paragrafi 7 i ligjit nr.08/L-332 mbi Ndarjet Buxhetore për Buxhetin e Republikës së Kosovës për vitin 2025. Kuvendi i Komunës së Drenasit (Glllogoc) në mbledhjen e rregullt të mbajtur me datë: 29.05.2025, miratoi këtë:

VENDIM

PËR

RRITJEN E BUXHETIT NGA TEJKALIMI I PLANIT TË TË HYRAVE
VETANAKE PËR VITIN 2024 DHE BARTJEN NË VITIN 2025

Neni 1

Me këtë vendim, bëhet rritja dhe bartja e mjeteve financiare nga tejkalimi i planit të të hyrave vetanake në vitin 2024 dhe bartjen në vitin 2025 në shumën prej: **467,023.99** euro.

Nga buxheti i planifikuar në kategorinë e të hyrave vetanake për vitin 2024 prej: **2,160,705.00** euro kemi realizuar vlerën prej: **2,627,728.99** euro.

Neni 2

Rritje dhe bartja e mjeteve financiare bëhet në këto kategori ekonomike të shpenzimeve:

Mallra dhe Shërbime në shumën **25,167.50** euro në nën-programet:

Shërbimet e Kujdesit Primar Shëndetësor (73100) shuma 9,937.50 euro,

Arsim parafillor (92210) shuma 15,230.00 euro.

Investime Kapitale në shumën **441,856.49** euro në nën-programin:

Infrastruktura Publike (18161) në projektin nr.49297 "Zgjerimi dhe Ndërtimi i Sheshit "Fehmi e Xheva Lladrovci", në shumën 441,856.49 euro.

Neni 3

Ky vendim hynë në fuqi 15 ditë nga dita e regjistrimit dhe vlerësimit të ligjshmërisë nga MAPL-ja, si dhe 7 ditë nga publikimi në Ueb faqen zyrtare të Komunës.




Kryesuesi i Kuvendit të Komunës

Bekim Lestrani

Bekim Lestrani

A r s y e t i m

Dedikimi I këtyre mjeteve sipas nën-programeve dhe kategorive ekonomike është në pajtim me neni 6 të ligjit 08/L-332 të hyrat vetanake komunale nga arsimi dhe bashkëpagesat e kujdesit primar shëndetësor regjistrohen veçmas dhe si të tilla autorizohen dhe shfrytëzohen vetëm nga to. Kategoria e Investimeve kapitale, financohet me buxhet shtesë për arsye të ndikimit negativ nga vendimet e formës së prerë të përmbarimit/gjykatës për obligimet e kontratave kolektive.



Inderuari Kryetar z.Lladroveci,
Inderuar Kryesues z.Lestrani.

Në pajtim me Rregulloren (QRK) Nr. 10/2019 për Shqyrtimin Administrativ të Akteve të Komunave, plotësuar dhe ndryshuar me Rregulloren (QRK) Nr. 06/2021, e në bazë të kompetencave ligjore të Ministrisë, të përcaktuara me ligjet bazike dhe Rregulloren (QRK) Nr. 02/2021 për Fushat e Përgjegjësisë Administrative të Zyrës së Kryeministrit dhe Ministrisë, plotësuar dhe ndryshuar me Rregulloren (QRK) Nr. 04/2021, Departamenti i Ligjorë i Ministrisë së Financave, Punës dhe Transfereve, ka pranuar për shqyrtim të detyrueshëm të ligjshmërisë, ashtu siç parashihet me nenin 81 të Ligjit Nr. 03/L-05 për Vetëqeverisje Lokale, aktin komunal si në vijim:

<i>Vendimi 02 Nr.400/01-19796 për bartjen e fondeve – të hyrave vetanake nga viti 2024 në vitin 2025.</i>
<i>Vendimi 02 Nr.400/01-19793 për rrirjen e buxhetit nga tejkalimi i planit të të hyrave vetanake për vitin 2024 dhe bartjen në vitin 2025.</i>
<i>Të miratuara më datë 29.05.2025</i>
<i>Të parashtruara për shqyrtim në Ministrinë e Administrimit të Pushtetit Lokal më datë 29.05.2025</i>
<i>Të dërguara për shqyrtim në Ministrinë e Financave, Punës dhe Transfereve më datë 02.06.2025</i>

Ministria e Financave, Punës dhe Transfereve (këtej e tutje referuar si "Ministria"), pas shqyrtimit të përmbajtjes së aktit të mësipërm të Komunës së Drenasit, jep konstatimet e mëposhtme:

1. Komuna e Drenasit, me anë të aktit administrativ që është subjekt i shqyrtimit, synon bartjen e fondeve – të hyrave vetanake nga viti 2024 në vitin 2025 dhe rrirjen e buxhetit nga tejkalimi i planit të të hyrave.
2. Për qëllime të këtij vlerësimi, është relevante të theksohet se proceset e mësipërme evidentohen edhe në legjislacionin që bie në fushëveprimin e Ministrisë së Financave, Punës dhe Transfereve, por duke mos u kufizuar në dispozitat e Ligjit Nr. 03/L-048 për Menaxhimin e Financave Publike dhe Përgjegjësitë, plotësuar dhe ndryshuar me Ligjin Nr. 03/L-221, me Ligjin Nr. 04/L-116, me Ligjin Nr. 04/L-194, me Ligjin Nr. 05/L-063, me Ligjin Nr. 05/L-007 dhe me Ligjin Nr. 06/L-21 (këtej e tutje referuar si "LMFPP") dhe Ligjit 08/L-332 mbi ndarjet buxhetore për buxhetin e Republikës së Kosovës për vitin 2025.
3. Kështu, në kuptim të ndarjeve buxhetore komunale, neni 9, paragrafi 6 dhe 7 i Ligjit Nr. 08/L-332 mbi Ndarjet Buxhetore për Buxhetin e Republikës së Kosovës për Vitin 2025, përcakton se në rast se shuma e të hyrave vetanake të Komunës gjatë vitit i kalojnë shumën e të hyrave të ndara të asaj komune ato mjete bartin në vitin 2025, si në vijim:

Neni 9

Ndarja dhe ri-ndarja e fondeve të barinura si dhe obligimet e pakryera financiare nga viti paraprak

6. Bilançet e pasqepënyshme të të hyrave vetanake të komunave nga viti fiskal 2024 dhe vitet paraprake, të depozituara në Fondin e Kosovës dhe të regjistruara në SIMFK si ndarje buxhetore për një-komunë, ndahen për vitin fiskal 2025 sipas autorizimeve të LMFP-së.

7. Të hyrat vetanake të realizuara gjatë vitit 2024 dhe të regjistruara në SIMFK që kalojnë shumën e të hyrave të ndara në tabelën 4.1 për vitin 2024, barten në vitin 2025 në përputhje me vendimin e Kuvendit Komunal. Prioritet duhet të ketë ndarja e mjeteve për mbulimin e detyrimeve ekzistuese kontraktuale apo detyrime që rrjedhin nga vendimet gjyqësore të formës së prerë.

4. Po ashtu, sipas nenit 27 të Ligjit 03-048 për Menaxhimin e Financave Publike dhe Përgjegjësitë ndarjet buxhetore që ndërlidhen me të hyrat vetanake të pasqepënyshme të komunës do të vazhdojnë për komunën përkatëse në vitin e ardhshëm fiskal, si në vijim:

Neni 27

Skadimi i ndarjeve buxhetore në fund të viti fiskal

Të gjitha ndarjet buxhetore për vitin fiskal do të skadojnë në mesnatën e 31 Dhjetorit, me përjashtim të ndarjeve buxhetore të cilat ndërlidhen me të ardhurat vetanake të pasqepënyshme të komunave, apo të ndarjeve organizatave tjeter buxhetore të cilës i janë lënuar me ligj, e të cilat barten në vitin vijues.

5. Nisur mbi premiset e këtij argumentimi, mbetet evidente se organizata ka bërë ndryshimin e planit të buxhetit për vitin 2025 dhe ka bërë bartjen e të hyrave vetanake të pasqepënyshme nga viti fiskal 2024 duke rritur në këtë formë buxhetin nga këto të hyra. Përkundër kësaj, realizimi i suksesshëm i një procesi të tillë karakterizohet me detaje teknike buxhetore për të cilat organizatat buxhetore bashkëpunojnë ngushtë me Departamentin e Buxhetit.
6. Në këtë kuptim, Ministria konstaton se ligjërisht, Komunave ju mundësohet që këto bilance të përdoren për të financuar edhe projekte të reja dhe ekzistues në vitin aktual, mirëpo realizimi i suksesshëm i tyre kushtëzohet me përputhshmërinë e materialeve përcjellëse të leideve të procedurës nga Komuna në raport me udhëzimet dhe/apo rekomandimet e Departamentit të Buxhetit. Kjo nënkupton se vendimet e organizatave buxhetore mund të pësojnë ndryshime, konform rekomandimeve teknike të dhëna nga Departamenti i Buxhetit në Ministri.
7. Rrjedhimisht, aktet administrative të Komunës së Drenasit janë në përputhje me legjislacionin në fuqi - me kusht që Komuna të bashkëpunojë ngushtë dhe të veprojë sipas udhëzimeve dhe/apo rekomandimeve të Departamentit të Buxhetit.

Ministria mbetet në dispozicion të Komunës së Drenasit dhe/apo Ministrisë së Administrimit të Pushtetit Lokal për çfarëdo sqarimi të mëtejshëm lidhur me këtë vlerësim.

Më respekt!

Interpretimi i dhënë nga Ministria e Financave, Pionës dhe Transfereve përkitazi me këtë çështje mbështetet vetëm në këndvështrimet që prekin fushëveprimin legjislativ të Ministrisë së Financave, Pionës dhe Transfereve